

D'Sécherheet vun Ären Donnéeën

ËMFRO IWWERT DEN TOURISMUS

Informationen iwwert d'Sécherheet vu perséinlechen Donnéeën

Är perséinlech Donnéeë gi vum STATEC, Bâtiment Twist, 12, boulevard du Jazz, L-4370 Belvaux, E-mail: tour@statec.etat.lu veraarbecht. Den Online-Froebou gëtt vun eisem Sous-traitant « T.I.P. Marktforschung » gehost. T.I.P. Marktforschung assuréiert och d'Hotline vun der Ëmfro am Numm vum Statec. De STATEC ass eng staatlech Administratioun déi ënnert der Opsicht vum Ministère de l'Économie schafft an awer eng ekonomesch a berufflech Onofhängegkeet genéisst. Dëst bedeit, dass de STATEC säin Aarbechtsprogramm nom nationalen an europäeschen statistesche Gesetz festleet a seng Donnéeën neutral veraarbecht a verbreet.

D'Veraarbechtung vun den Donnéeë respektéiert de Règlement Général de la Protection des Données (EU) 2016/679 an ass eng noutwendeg Aarbecht déi am Interêt vun der Gesellschaft steet. Et handelt et sech hei ëm eng statistesch Aarbecht vum STATEC, wéi am Gesetz vum 10. Juli 2011 iwwert d'Organisatioun vum nationalen Institut fir Statistik- an Ekonomiesetude festgehale gouf. Är perséinlech Donnéeë gi spëtstens 2 Joer nodeems all Donnéeë gesammelt goufen, definitiv gelöscht.

Är Donnéeë gi streng vertraulich behandelt. Donnéeën, mat deenen de STATEC schafft, déngen ausschliesslech statisteschen Zwecker a ginn op kee Fall un Drëttpersone weiter. D'Mandatairen an d'Mataarbechter vum STATEC si streng un dës Prozedur gehalen a maachen sech perséinlech strafbar wann se dës net anhalen. De STATEC huet dozou Moossnamen ergraff fir d'Sécherheet vun Ären Donnéeën ze garantéieren: eng optimal informatesch Technologie an e limitéierten Accès op perséinlech Donnéeë fir d'STATEC-Mataarbechter.

D'Zil vun der Ëmfro

D'Zil vun der Ëmfro ass et, Informationen ze erfassen iwwert Reesgewunnechte vun de Lait, déi zu Lëtzebuerg wunnen. D'Froen an der Ëmfro bezéien sech op Geschäft- a Fräizäitreisen, mat oder ouni Iwwernuechtung, déi am leschten Trimester virun der Ëmfro ënnerholl goufen.

Obligatoresch Participatioun

Dem Gesetz vum 10. Juli 2011 no ass d'Participatioun un dëser Ëmfro obligatoresch. Keng Äntwert oder eng absichtlech falsch Äntwert kann zu finanzielle Sanktiounen féieren. Dës gesetzlech Bestëmmung erlaabt et dem STATEC op zouverlässeg a representativ Donnéeë vun de Bierger zeréckzegräifen a soumat d'Qualitéit vun den erstallte Statistiken ze garantéieren.

Wee kann ech kontaktéiere bei Froen iwwert den Dateschutz?

Dir kënnt e Bréif schreiwen un d'Dateschutz-Responsabel vum STATEC: DPO, STATEC, B.P. 10, L-4401 Belvaux, oder uruffen um Telefon (247-84383) respektiv e Mail schreiwen un: dpo@statec.etat.lu. Op dësem Wee kritt Dir Informationen iwwer Är Rechter no den Artikelen 15 bis 21 vun der europäescher Dateschutzgrondveruerdnung (EU) Nr. 2016/679 a Bezuch op d'Asiicht, d'Verbesseren an d'Läsche vun Äre perséinlechen Donnéeën souwéi iwwer Är Rechter op d'Limitéiere an der Oppositioun bezüglech der Veraarbechtung vun Äre perséinlechen Donnéeën souwéi och iwwer d'Recht op d'Portabilitéit vun dësen Donnéeën. Dir hutt och d'Méiglechkeet, eng Plainte bei der Nationaler Dateschutzkommissioun anzereeche mat engem Bréif un CNPD 15, Boulevard du Jazz L-4370 Belvaux oder iwwer Internet: <https://cnpd.public.lu/de/particuliers/faire-valoir/formulaire-plainte.html>